

## Traverse divant ene dimoune ki pé faire namaz

### Question:-

Eski gagne droit traverse divant ene dimoune ki pé faire namaz?

### Réponse:-

Ene dimoune pendant so namaz li en plein Mounaajaat (conversation) avec so Rabb. Li pas bon traverse entre deux personnes ki zotte en plein conversation. C'est ene manque de manière et de respect. Coumsa même li pas bon traverse divant ene mouswalli ki en plein Mounaajaat avec so Rabb. C'est ene façon indesirable. Dans le but pou montré so gravité et pou démontré ki quantité li pas bon, Rassouloullah ﷺ fine dire:

« Si la personne ki traverse devant ene mouswalli ti conné ki fardeau li pé mette lors li, li ti pou préfère attane pendant 40 ki traverse devant li. » **(Boukhari)**

Ici le hadice na pas fine précisé ki veut dire 40. Lezot hadices dire ki c'est 40 ans. Le hadice de Ibn Majah rapporté par Hazrat Abou Houraira رضي الله عنه mentionne le nombre de 100 ans. Selon Tirmizi, Hazrat Anas رضي الله عنه aussi fine rapporte le nombre de 100 ans.

Donc à la lumière de ça banne hadice la, la personne ki traverse devant ene mouswalli ti pou préfère reste attane pendant ene siècle si li ti arrivé conne la gravité de traverse devant ene mouswalli. Ici nous trouvé ki pas fine mentionne aukene punition. Mais so gravité li clair en terme reste immobile et sans faire narien pendant ene siècle. Ça finne considéré meilleur ki faire péché dans traverse divant ene mouswalli.

### Halal Info

*Banne Produits poulet ki importé depuis Brazil couma Sadia, Sierra et depuis la France couma Doux, zot pas approuvé par JUM.*



**JAMIAT-UL-ULAMA DE MAURICE**

Cnr. Penang & Sumatra Street, Port Louis, Mauritius,  
Tel: 240-0439 / <http://www.jamiat-ul-ulama.org>  
Emails: [jamiat@intnet.mu](mailto:jamiat@intnet.mu) / [jamiathalal@myt.mu](mailto:jamiathalal@myt.mu)

